

यीशु मसीहा

यी
शु

म
सी
हा

साउब से बड़का कहानी




MILKEDINK
EDUCATION

का हेके...




स्वर्गदूत : ईश्वर कर एगो नी दिसेक वाला दूत. (पन्ना ५)



आशीष : साउब आच्छा चीजमन जेके ईश्वर आबदिनमन के देवेक चाहेला. जेमन उकर इच्छा कर मोताबिक करेना.



प्रभुभोज: यीशु कर चेलामन यीशु कर मोरन आउर जी उठेक के रोटी आउर अंगुर रस लेइके याद करत रहंय. (पन्ना ४१)



क्रुस: दुःख/सजा देवेक वाला एगो साधन जेकर में यीशु अपन इच्छा से मोरलक. यीशु कर चेलामन ले ई एगो चिन्हा बनलक. (पन्ना २५,५०)



चेला: यीशु कर चेला. (पन्ना १८) ईस्टर: यीशु कर जी उठेक कर परब मनायक. यहूदीमन एहे दिन फसह कर परब मनायना. (पन्ना ३८-५४)



जिनगी जुग कर जीवन: यीशु संगे जीवन जीयेक ई ईश्वर कर इच्छा हेके. ई मोरन के जीत हे आउर इकर अन्त नाइखे. (पन्ना २३,२९-३० आउर ५९)

विश्वास: ईश्वर जे करेक कर वादा कइर हे उकर में भरोसा करेक. (पन्ना ५८)

क्षमा: ईश्वर क्षमा करेला, जे कि केहो इकर जोग्या नइखंय. ईश्वर क्षमा करेला अगर तोय सचमुच अपन पाप से क्षमा मांगवे आउर अपने के बदलेक चाहबे होले. क्षमा संभव आहे कालेकि यीशु सजा के अपन उपरे लेलक जेके हमरे के पावेक रहे. (पन्ना ५८)

ईश्वर कर राइज: जहां आबदिनमन ईश्वर कर हुकुम के मानेना हुंवा ईश्वर कर राइज आहे.

पबितर आतमा: ईश्वर कर आतमा जे आबदिनमन कर जीवन में रहेक चाहेला, जेमन यीशु कर पीछे चलेना. (पन्ना ५८)
यीशु : ईश्वर कर बेटा कर नाम, मान 'ईश्वर हमरे के बचायला'.

मसीह : अभिषेक करल राजा "मसीह" (एगो हिब्रु शब्द) जे ग्रीक भाषा में अनुवाद करल आहे, माने ख्रीष्ट (पन्ना ५२,५५)

प्रार्थना : ईश्वर कर संगे तोर, आस्ते से चाहे जोड़ से बतियाक आउर तोके उकर सुनेक. (पन्ना १८,१९,४२)

जी उठेक: यीशु मोरन में से जी उठलक. एक दिन साउब झन मोरन में से जी उठब, तले ईश्वर साउब आबदिनमन कर बिचार करी. (पन्ना ५३,५७)

दोसर बेर आवेक: जे बेरा यीशु दोसर बेर धरती में आवी साउब कुछ नया होई जाई. सरग आउर नरक के ईश्वर आउरे नया बनाई. (पन्ना ५७)

शैतान : ईश्वर आउर आबदिन कर नी दिसेक वाला बैरी हेके.

पाप : उ चीज जे हमरे ईश्वर कर बिरोध में करिल. ईश्वर कर योजना जे हमर ले आहे उकर से हमरे के दुरहिया करेल. (पन्ना ४)

ईश्वर कर बेटा : यीशु कर नाम. उ ईश्वर रहे, जे आबदिन कर रुप में संसार में आलक.




यीशु मसीह के हेके?

यीशु २००० हजार बच्छर पहिले इस्राएल में रहलक. हमरे उके “यीशु मसीह” कहिला. माने उ एगो राजा, ईश्वर कर एगो बेटा कहलायला. इकर माने “ईश्वर” आउर “आबदिन कर बेटा”. यीशु कर जीवन कर बर्णन बाइबल में लिखाल जाय हे.ई एगो महान कहानी हेके.

यीशु कर समय में

हमरे कर इतिहास यीशु कर जनम से शुरु होवेला. उ बेरा आबदिनमन पैदल, गधा में, ऊँट में चाहे घोड़ा में यात्रा करत रहंय. यूरोप कर मुखिया भाग, मध्य पूरब आउर उत्तर आफ्रिका रोमी राइज कर आधीन में रहे. अनाइत आबदिनमन लिखेक चाहे पढेक नी जानोत रहंय, लेकिन इस्राएल में यहूदीमन सकोत रहंय. उमन के “किताब कर आबदिन ” कहल जात रहे. ईश्वर किताब में बतियायला, उ बाइबल हेके. साउब चीजमन के सिरजेक वाला ओहे हेके आउर उ साउब आबदिनमन कर संगी होवेक चाहेला. यीशु हमरे के ई साफा से देखाह.





यीशु कर समय में इस्राएल

राजधानी : यरुशलेम

बड़का राइज : गलील, सामरिया, यहूदीया

विस्तार : लगभग २८००० किमी. (१०८१० माइल)

मौसम : उष्ण कटिबंध

राजनैतिक : ६३ बी.सी शुरुवात से (मसीह से आगे) रोमी राइज कर अधिकार इस्राएल में आहे.

सरकार : मुख्या पिलातुस, रोमी राज्यपाल इस्राएल में राइज, तिबेरियस, रोमी राइज.

धरम : यहूदी धरम, यरुशलेम में यहूदीमन कर मंदिर आहे. हुंवा यहूदी पुजारी साउब धरम कर काम करेना. आउर हुंवा फरीसीमन बाइबल से आबदिनमन के सिखात रहंय.

भाषा : हिब्रू (यहूदीमन कर भाषा) ग्रीक (आंतरराष्ट्रीय स्तर में बतायक वाला भाषा) लॅटिन (रोमी भाषा).



ई सउब आबदिनमान नदी कर कीनारे काले जामा होहांय?



अपनेआप के तैयार करा
ईश्वर कर राईज अवाथे!



एगो नया जीवन शुरु करा !



ईश्वर कर विचार कर ताबल गाछ कर जीड़ मे अहे .



हर एक गाछ जे बेस फर नी फरेल उके काईट देवाल जाई आउर उके आईग मे फेकल जाई.



होवेक सकेल हमरे सउब काटाल जाब. के बेस जीवन जीयेक ले जोगया अहे?

सचमुच! कोई हो ईश्वर कर विचार से छुटेक नी सकबांय. लेकिन मोर पाछे एगजन अवाथे जे तोके भितरे से बदलेक सकेल.



अगर तोहरे सचमुच अपान जीवन बदलेक चाहाल होले, अपान पाप माइनलेवा, आउर ताले आयके ई पानी में बपतिस्मा लेवा.




एखन तोय आपन पाप से शुद्ध होले. एगो नया जीवन शुरु कर.

नदी कर प्रचारक के सउब कोई बपतिस्मा देवेकवाला जोहान काहाथंय.

मोय मुख्य ना लो. मोय उकारले डाहार तैयार काराथो जे हामरे के देखाय कि ईश्वर के हेके. उ तोहरे के ईश्वर कर आतमा आउर ईश्वर कर आईग से बपतिस्मा देवी. उ तोके पुरा रुप से बदली.



आउर ताले...



मोय... मोके तोर से बपतिस्मा लेवेक चाही.



एसने कर. तले जे ईश्वर कर इच्छा अहे हामरे काराब.




आबा, तोर राईज आवोक आउर तोर इच्छा पूरा होक.



ताले सरग से एगो सबाद कहलक

हां, तोय मोर बेटा हेकीस. मोय तोके प्रेम कारोना आउर मोय तोर से खुस अहो.





हामरे कर समय कर शुरुआत से जोहान बपतिस्मा देवेकवाला इसराएली आबदिनमान के मसीह आवेक कर तयाईर करीत रहे. उ बेरा इस्राएल रोमी राइज कर एगो छोटका भाग रहे.



इस्राएल मे यहूदीमान लाचार आउर दबाल महसूस करत रहय. आबदिनमान मसीह आवेक कर समय कर आशरा करतरहय उ चुटकारा देवेक वाला हेके जेकर अवेक अगे ही पुराना यहूदीमान कर किताब मे आगमबाणी करल जाहे. इ मसीह ईश्वर कर विचार के जीतवाय.



यरदन नदी कर भीरे, जोहान बपतिस्मा देवेकवाला यीसु कर बटे देखालक.


देखा! ई ईश्वर कर भेड़ा छुवा हेके जे संसार कर पाप के उटाय लेई जायला.



बपतिस्मा कर पाछे, ईश्वर कर आतमा यीसु के सुनसान ठाव में लेई गेलाक.



उ चालीस दिन आउर चालीस राइत हुवा रहे। जेखान उ हुवा रहे उ कोनवे नी खालाक. उकार काम का हेके ईके साफा से देखेक ले उ प्रार्थना आउर उपवास करलाक.



सफल बानायक कर लागिन यीसु गो संसार में ईश्वर कर योजना के देखायक चाही. ई ईश्वर कर योजना हेके कि आबदिनमान पाप कर बंधान से आजाद होक.



शैतान अंधार कर अनदेखार शासक हेके जे संसार में मोरन आउर नाश से अधिकार करेला.



हां बाप! जे तोय कहबे उके मोय करबु.

लेकिन शैतान, उकार बैरी, यीसु के लोभ देय के उके ईश्वर कर योजना से दूरियाह करेकले कोशीस करोत रहे.

अगर तोय ईश्वर कर बेटा हेकिस तो ई ढोंगा के रोटी बनाई दे.

नहीं! किताब मे ऐसन लिखाल अहे: आबदिनमन रोटी से एकला जीयेक नी साकबांय लेकिन ईश्वर कर वचन कर जरुरी अहे.



अगर तोय सचमुच ईश्वर कर बेटा हेकिस तो ईके परमान कर! मंदिर कर उपरे से नीचे डेग. का ई लिखाल नखे कि सरगदूत तोके उटाय लेवी ?

अगर सचमुच तोय मोके गिर के गोड़लगबे, तो मोय अधिकार के देई देबु।

तले शैतान उकर भिरे से भाइग गेलक, आउर सरग दूतमन आयके उकर सेवा करेक लागलय।



ई हो लिखाल अहे. ईश्वर कर परिकक्षा न कर.




दूर होई जा शैतान, ऐसन लिखल आहे कि, तोय प्रभु अपने ईश्वर के गोड़ लग,




जेखान यीसु गालील मे घुरलाक उ पवितर आतमा से भराल रहे. उतरी इस्राएल कर अनाईत बडका राईज में यीसु बडका होलाक. उकार जाईक बेरा अनाईत आबदिनमन उकार संगे अलय. आगमबक्तामन जेकार बारे मे लिखलय कि उ मसीह एहे यीसु हे हेके कि नहीं.

गालील कर डांडमन में काना में, एगो बिहा होवाथे...




यीशु हो अपन माय आउर संगमान कर संगे उ भोज मे हुंवांय रहंय.





गलील झील कर भीरे कफरनहूम एगो फलालफुलाल मछुवामन कर एगो गांव रहे. हिया यीसु ईश्वर कर बारे मे आबदिनमन कर भीरे कहेक लागलाक.



आउर हिये उ अपन पहिला चेला चुनलाक.



पतरस गहिरा पानी बटे जा आउर हुवा अपन जाल फेक.



मालिक! राइत भाइर मेहनाइत कइर के हों हमरे तनिको धइर नी सकली.



लेकिन हो तोर कहेक कर चलते .



ई का हेके ! मोके बिश्वास नी होवाथे.






याकूब, जोहान,
हिया आवा! ई
जीवन भईर
कर सउब से
बागरा बझायक
हेके.




हे प्रभु! मोर भिरे से चाइल जा।
मोय तो पापी आबदिन हेकों.


पतरस मइत डराव.




मोर पाछे अवा. मोय तोहरे के
आबदिन धारेकवाला बानाबु.



मोर पाछे आवा.



यीसु अपन चेलांन कर संगे पुरा गलील मे यात्रा करलाक, उ सउब के ईश्वर कर बारे मे बतालाक. उ सउब किसीम कर बिमारीमन के चंगा करलाक, दुष्ट आतमामन के निकालाक आउर आबदिमन चकरित होलाय आउर उकर पाछे गेलय. उमन दोसर ठांव आउर इस्त्राएल कर राजधानी यरुशलम से आय रहय. उमन उकर हर वचन से चकरित होलाय.



धन्य आहंय गरीबमन. सरग कर राइज ओहे मन कर हेके।


धन्य आहंय भूखलमन कालेकि उमनके सन्तीक करल जाई।



धन्य आहंय उमन, जे शोक करेन, कालेकि उमन खुशी होबंय।



धन्य आहा तोहरे, जे बेरा आबदिमन मोर लगिन तोहरे कर बिरोध करेना। आनन्द आउर खुशी होबा, कालेकि तोहरे लगिन सरग में बड़का इनाम आहे.





दोसरमन से तोय
जेसन वयवहार
चाहीस तोय हो
ओसने वयवहार
कर.



अपन बैरीमन से प्रेम कर
आउर उमन ले प्रार्थना कर.



बेस काम गुप्त
में कर, कि तोय
दोसरमन कर
ध्यान नी लानबे.



जे केहो कोनो आउराइत के कु-नजाइर
से देखेल, उ अपन मन में उकर से
व्यभिचार कइर चुकलक। कोनो
आबदिन दुई गो मालिक कर सेवा
करेक नी पारेल, तोय ईश्वर आउर
धन दुईयो कर सेवा नी करेक पारबे.



देह कर दीया तो आँइख हेके। अगर
तोर आँइख निरामाला आहे, तो तोर
समूचा देह हों इन्जोत होवी। अगर
तोर आँइख खराब आहे, तो तोय
अन्धार मे जीबे।



कोनो आबदिन दुई गो मालिक कर
सेवा करेक नी पारेल, ईश्वर चाहे धन.




कईल कर लगिन चिन्ता न कहबा. आगे
ईश्वर कर राइज आउर उकर धरमिकता
कर खोजर करा, तो ई सउब चीज तोहरे
के मिल जाई.



अगर तोय मोर ई बातमनके मानबे होले, तोय एगो बुद्धियारी आबदिन
नियर होबे, जे अपन घर के चटाइन उपरे बनालक। अगर नी मानबे
होले, तोय एगो नीर-बुद्धियारी आबदिन नियर आहे, जे अपन
घर बालू उपरे बनालक.

एक दिन कफरनहुम मे यीसु कर घर कर
भीरे आबदिनमन भीड़ करलय.

हमरे भितरे जायक नी सकब.



छईन आउर डिसना
होवेक लागी, आउर
होय जाई.

हुवा उपरे
का होवाथे?



उमन के छोईड़ देवा!
उ सांगमन कर बिश्वास
बड़का हईक.



तोर पाप छमा होलाक.

का तोय उके सुनले? उ
कैसन करेक सकेल ?



उ ईश्वर कर निंदा करोथे.

ईश्वर ऐकला केखो पाप से
छोड़ायक सकेल.

एगो लेगड़ा के कहेक
सहज अहे: तोर पाप
छामा होलाक चहे उठ?



मसीहा के पाप क्षमा करेक कर
अधिकार आहे, लेकिन मोय ई हो
कहोथो: "उठ, अपन खटिया
उठाव आउर हिट।





अचरज.


उ हितोथे.

हां, मोय हितेक सकोन.

लेकिन यीसु कर काम से सउब इन खुसी नखाय. धरम गुरुमन देखत रहय कि यीसु सथायक कर दिन कर नियम के मानेल कि नाही. इस्राएल में ई दिन में काम करेक माना रहे.



एगो आबदिन कर हाथ सुइख जाहे. का उके ई दिन मे बेस करेक उचित हईक?



अपन हाथ आगे कर.



हां! मोय बेस होईगेलो.



हमरे उके बेस करेक देईख ही.

ई आबदिन बहकते कइहके यरुशलेम कर मुखियमन के बताईक पड़ी.

यीसु चेलामन कर संगे डोंगा में
गालील कर समुनदर मे गेलाक.




हे मालिक! हमरे के बचाव,
हमरे डुइब जाथी.



हे मालिक! हमरे के बचाव,
हमरे डुइब जाथी.



शान्त होई जा! थाइम जा!



उमन डोंगा के किनार मे बांधलंय. लेकिन पाहाड़ में....



रा रा रा ह रा ह




हुवा एगो दुष्ट आतमा से जकड़ल
आबदिन रहे जे पाहड़ मन मे रहत रहे.



उ आवोथे.

उ! उफ!



हां, हां .यीसु!



दुष्ट आतमा, उके छोईइ दे.

हे सर्वशक्तिमन ईश्वर कर
बेटा! मोर से तोर का काम?




तोर का नाम हेके?

फौज, कालेकि हमरे
अनाइत बागरा अहि.




हमरे के ई
सुवाइरमन
में जाईक दे.

जावा!





मोय तोहरे से कहाथों, बेटा अपने हे से कोनो करेक नी सकेल। एकला उ, जे बाप के करेक देखेल। मोय अपन ईचछा से नी करोन लेकिन अपन बाप के ईचछा से करोन. मोके भेजेक वाला ओहे हेके.




यीसु हमेशा सुन-सान ठांव में जाय के प्रार्थना करोत रहे.



राईत कर प्रार्थना का पाछे यीशु अपन १२ चेलांमन के चुनलाक. उ उमानके दुई दुई झन कइर के भेजलक. उ उमनके सब दुष्ट आतमांमन आउर बेमारीमन कर उपरे अधिकार देलक.



उमन दादा भाई पतरस आउर अन्द्रियास.



दादा भाई याकूब आउर जोहन...



फिलिपुस आउर नतनीएल

थोमा आउर मत्ती (जे आगे रोमी शासकमन कर लगिन खजना लेवेक वाला रहे)



तदै आउर दोसर याकूब .



शिमोन, आउर यहूदा इस्करिती ।



जावा. जे केहो तोहरे के ग्रहन करी, उ मोके ग्रहन करी, आउर जे केहो मोके ग्रहन करी, उ मोके भेजेक वाला के ग्रहन करी



१२ चेलामन अपन काम से खुसी हुईके घुरलय. इकर पाछे यीशु उमन संगे एगो सुनसान ठांव में जाईक चाहलक, लेकिन भीड़ उके एकले नी छोड़लक.

पाकल खेत ढेड़र आहे लेकिन कमिया थोड़े आहंय ।खेत कर मालिक से बिनती करा कि उ अपन खेती काटेक ले कमिया मन के भेजोक ।



यीशु आउरे कहते आउर बेस करोत रहे. देरी होवाथे.....

फिलिप, ई सउब आबदिनमन काहा से खायक चीजमन पाबंय? तोहरेमन हे उमन ले कोनो काले नी देवाल?

आट महीना कर कमाई हो इकर ले नी पुगी.


हिया एगो छोड़ा अहे. उकर ठीन पांच रोटी आउर दुईगो मछरी अहे. हिया एतना हे अहे.

आबदिनमन के ५०/५० कईर के संगे बइठाय दे.

यीशु ईश्वर के धन्यवाद देलाक.

उ रोटी आउर मछरी के टुकाइर देलक.

यीशु खायक चीजमन के बढालक आउर हजार आबदिनमन खालंय.



ओहे मसीहा हेके जे अवेकवाला रहे.

हमरे उके राजा बनाब!



देखा तो! बचाल टुकरामन से बारह दाउरा भाइर गेलक.



एखन आबदिनमन कर घर जायक बेर होई गेलक. तोहरे डोंगा लेईके दोसर बटे जावा. मोय प्रार्थना करेकले हिया पहाड़ मे रहबु.





हुवा एसन आबदिनमन रहय, जेसन यीशु के राजा मानत रहय. उमन कर आशारा रहे कि उकार अगवाई में रोमी आधिकारी से छुटबाय. यीशु कर बिरोधीमन हो बढलक. उमन हमेशा उकर बिरोध करेना. उमन उकर बिरोध में आबदिनमन के उसकयके उकर से छुटकारा पावेक चाहेना.

मालिक, तोय हियां कहिया अले?

मोय तोके रोटी देलो कहिके का तोय मोके खोजोथिस?



नाश होवेक खाना कर लगिन चिंता मइत कर. लेकिन उ खाना कर लगिन जे रही आउर जीनगी जुग कर जीबन देवी.

मोय रोटी हेकों, जे जिनगी जुग कर जीबन देवल. इ मोर देह हेके, जेके मोय संसार कर जीबन लगिन देबु।



इ आबदिन केसन अपन शरीर हमरे के खायक ले देवेक सकि?

मुरखा!




चला, जाब!

उ साउब के धोखा देवोथे.



का तोहरे हो जायक चाहोथा.

प्रभु, हमरे केकर ठिन जाब. तौर ठिन जिनगी जुग कर वचन अहे.





यरुशलेम शहर कर बाहरे बेला बेला में आबदिनमन के मोरात रहंय. उमन के क्रूस में टंगीत रहंय, जे निरदयी, रोमी मोरन सजा हेके.



अगर कोई मोर होवेक चाहाल होले, उ अपने हे केइन्कार करोक, आउर अपन क्रूस उठाय के मोरपाछे होई लेवोक.



जे अपन जीव के बचायक चाहेल, उ उके हेरवाई आउर जे मोर लगिन अपन जीव के हेरवाई, उके उ पावी.



तोहरे ईके जाना कि एके गो ईश्वर अहे.



मुख्य बात एहे हेके कि योय तोर भितरे होवेक सउब चीजमन से ईश्वर के प्रेम कर, आउर दोसर आबदिनमन के हो अपन जेसन प्रेम कर.

इ बेरा में इस्राएल में कोड़ रोग गांवमन रहे कोड़ी रोग छमड़ कर खतरा रोग हेके. इ रोग होवेक वाला के बेस आबदिनमन कर भिरे आवेक माना रहे.



कोड़ी बेमार जेखन बाहरे जाइना तो उमन जोड़ से चिललायके आबदिनमन के सावधान करेना कि उमन अवाथंय.

कोड़ी कोड़ी

कोड़ी कोड़ी



यीशु! मालिक। हमरे उपरे दया कर.





जावा आउर अपने के पुरोहित मन के देखावा.



पुरोहित मन ठिन जायक? देखायक ?

पुरोहित मन ठिन जायक? देखायक ?



?

!




देखा! मोय बेस होई गेलो!



हमरे बेस होई गेली!

हां!



हालेलुया! ईश्वर बेस अहे! धन्यबाद!



का तोहरे दसोइन बेस नी होला? दोसरमन कहां आहंय? का उमन ईश्वर के धन्यबाद देवेक नी आलय?



उडठके चाइल जा। तोर बिश्वास तोके बेस एकला नहीं लेकिन बचालक हो.

यीशु यातरा करेक बेरा
यरुशलेम कर अगवामन
अपन दासमन के यीशु
कर जासुस करेक ले
भेजलक. उमन उकर
बिरोधी रहंय.

उ खाराब आबदिनमन कर संगे समपर
रखीत रहे जेसन कि बेश्यामन, खजना
लेवेक वाला रोमी अधिकारी...

मसीह हेरल मन के खोजेक आउर
उमनके उद्धार करेक आयहे।




सथायक दिन मकालेकि
यीशु बेस करलक....

बेस होई जा!



बेस होई जा!

छाउवामन के मोर भिरे आवेक देवा,
ईश्वर कर राइज एसने हे मान कर हेके.



यीशु के बेतनियाह मे बोलाल गेलाक, एगो गांव जे यरुशलेम कर भिरे रहे. लाजरुस नाम कर एगो आबदिन बेमार होई रहे। लाजरुस आउर उकर बहिन मारथा आउर मरियम यीशु कर संगी रहेंय. जेखन यीशु हूवा आलक उ सुनलक, कि लाजरुस के कबर में राखल चाइर दिन होई जायहे।



प्रभु!

प्रभु, अगर तोय हिंया रहते, तो मोर भाई नी मोरतक।



तोर भाई आउरे जी उठी, मारथा.



हां! मोय जानोन कि उ आखरी दिन जी उठना बेरा आउरे जी उठी.



जी उठना आउर जीवन मोहे हेकों। जे केहो मोर उपरे बिश्वास करेला, उ जियी। का तोय ई बात में बिश्वास करीस मारथा?



हां प्रभु, मोय बिश्वास करोन कि तोहें उद्धार कराइया, जे संसार में आवेक वाला रहे, ईश्वर कर बेटा हेकीस.



तोहरे उके कहां राइखा?

प्रभु, आयले आउर देइखले।





देखा, ई उके केताइक प्रेम करत रहे.

का उ लाजरस कर मोरन के रोकेक नी पारतक?




हिंया उके एगो लुगा से लेपटल आउर टोंगरी कर खोलको मे राखल रहे.

ढोंगा के किनार करा।



प्रभु, एखन तो उ बसाथे, कालेकि उकर मोरल चाइर दिन होई गेलक.

तोय ईश्वर कर महिमा देखबे.



बाप, मोय ई कहोथों कि हिंया खड़ा आबदिनमन विश्वास करबंय कि तोय मोके भेइजहीस.




लाजरस, बाहरे निकाइल आव!



उकर कफन के खोइल देवा आउर इके जायक देवा।


यरुशलम कर अधिकारी यीशु आउर उकर चेलामन उपरे ध्यान राखोत रहंय.



उ आबदिन आनईत अचरज काममन कारेल.

अगर हमरे एसने हे छोईड़ देवब होले रोमीमन आयके कोनो करबंय.

उमन हमर मन्दिर आउर राईज के नाश करबंय.



तोहरे सोचा कि राईज कर लगिन साउब देश नाश होवेक से एगो आबदिन मोरेक हे बेस होवी.



इलगिन यीशु के मोरेक चाही.





उ बेरा से यहुदी अगवामन यीशु के रोमीमन के हाथ मे देवेक ले मोका देखोत रहंय. उमन ठिन एकला मोरन सजा देवेक कर अधिकार रहे.

जेखन यीशु बेतनियाह मे रहे...



मरियम!



आनइत महकेक तेल!
इकर किमत अहे.



बेस होतक कि हमरे
पाइसा गरीबमन
के देइ देती.



इके छोइइ देवा, यहूदा. उ
मोर शरीर के तोपेक कर
तैयारी करोथे.

फसह कर परब आवाथे. अदिनमन कर भीड़ यरुशलेम बटे आवाथे.



यरुशलेम में अगवामन यीशु के धारेक ले योजना बानात रहंय. तभियो यीशु नगर बटे हे जात रहे.





आबदिनमन गुल करते
उकर स्वागत करलंय.

वाह-वाह!

- वाह-वाह!



धन्य आहे जे प्रभु कर नाम से आवेला.


इसाएल कर राजा!



साउब राइज उकर पाछे आवाथे.

उकर जैसन हमरे कहो नी पावब.

राजधानी नगर कर मन्दिर
आराधना कर मुख्य ठांव हेके.



फसह कर परब बेरा
भेड़ा के मोरत रहंय.



भेड़ा के मन्दिर मे भेट चड़ाय के
आबदिनमन के ईश्वर संगे मेल-
मिलाप करवात रहंय.



लेकिन बलि कर कोन भेड़ा आबदिनमन
के सचमुच उमन कर पापमन से
छोड़ायक सकी?



मन्दिर कर ठांव में आबदिनमन बेपारी आउर पाइसा भंजाइयक करत रहंय।



यीशु हो हुवा रहे...




ईश्वर कर घर प्रार्थना कर घर कहाइ, लेकिन तोहरे उके डाकू कर डेरा बनाय देईहा ।



उ हमर ले खतरा होवेक सकी साउब आबदिनमन उकर बात सुनोथंय.



हमरे के जलदी हे उकर से छुटकारा पावेक पड़ी.




अगर हमरे उकर खोज मे रहब तो उके धारेक सकब आउर उके मोरयक साकब.

लेकिन परब कर बेरा में नही. फसह कर बेरा हमरे कोनो समस्या नी चाहिल.



उकर बदले तोहरे मोके केतना पायसा देबा?

उ यहूदा हेके, उकर चेला मन मे से एकइन.



मोय यीशु के तोहरे मन कर हांथ में धरुवाय देबु!



हमरे तोके यीशु कर बदली तीस गो चाँदी कर सिक्का देवाब, जे एगो दास कर किमइत हेके.



अगवामन लगातर उकर ले
समस्या करलय तभियो यीशु
पसह परब कर पहिला
दिनमन में आबदिनमन
संगे बतयाते बितालक.



उ साझ यीशु आउर उकर १२ चेलामन शहर मे फसह
परब कर भोज कर लगिन जमा होलेय.



मोय अइज राइत इ काम करबु.





मोर दुःख उठायक कर अगे फसह परब कर भोज तोहर संगे खाय ले पठराय रहो.



अधिकारीमन दोसरमन से अपन सेवा करवायना, लेकिन तोहरे मे इ उलटा होवेक चाहि.



सउब कर दास तोहरे कर अगुवा होवी.




मोय तोहर माझे एगो दास जेसन हेको.






प्रभु, का एगो दास जैसन तोय मोर गोड़ धोबे? नहीं! कहियो नहीं!

पतरस, अगर मोय तोके नी धोबु, तो मोर संग तोर कोनो हिस्सा नी होवी.



प्रभु, तो मोर मुड़ी आउर हांथ के हों धोइदे।

जेहर नहाय लेइहे, उके गोड़ हे धोवेक दरकार आहे.




तोहरे मोके प्रभु आउर गुरु कहल, जे ठीक हेके. जैसन मोय तोहरे कर गोड़ के धोइ देलो, तोहरे हों एक दोसर कर गोड़ के धोवा।



तोहरे में से एक इन मोके धोखा देवी.

का उ मोय तो नी हेको?

कहियो नहीं!



यहूदा, तोके जे करेक आहे, उके तुरथे कर!






मोर इयाइद कर लगिन एसने हे करा...




ई रोटी ले, ई मोर देंह हेके.



ई कटरा लेवा, ई कटरा मोर लहू हेके,
जे तोहर ले बोहाल जाई. ई नियार ईश्वर
तोहरे से एगो नवां करार करोथे.



मोय तोहरे के एगो नवा हुकूम देवाथो,
एक-दोसर के प्रेम कर, जैसन मोय
तोहरे के प्रेम करलो.



अगर तोहर माझे प्रेम आहे तो साउब
आबदिनमन जानबंय कि तोहरेमन मोर
चेला हेका.



प्रभू, साउब ठांव मोय तोर पाछे जाबु.
मोय तोर लगिन अपन जीबान देबु.

पतरस, मुरगा बोलेक से आगे तोय
मोके तीन बेर इन्कार करबे।

पछे संझ बेरा, यीशु अपन चेलामन संगे उ शहर के छोड़ के गेलाक. यहूदा उमन संगे नी रहे.

मोय तोहरे के छोड़ के जाथो, लेकिन बाप तोहरे ले पबितर आतमा भेजी.
उ तोहरे के मदाइत करी आउर हमेश तोहरे संगे रही.

मोय जायक ठांव कर डहर तोहरे जानाल.

डहर, सच्चाई आउर जीवन मोहे
हेकों. मोर बेगर केहो बाप तिन
जायक नी पारबंय ।

तोहरे हिंया बाइठा । मोय प्रार्थना
करेक तनिक पारे जाथों.

बाप, अगर होवेक सकेल तो ई दुःख के मोर तिन से किनार कईर दे.

तभियो, मोर नहीं लेकिन
तोर इच्छा पूरा होक!



एसेन बेरा हो तोहरेमन कैसन सुतेक सकल? उठा!
मोके धरुवायक वाला हिया आय गेलक।



मोय जेके चूमा करबो, उके धइर लेबा.



हे गुरु!

यहूदा, का तोय एगो चूमा
सें मसीह के धोखा देबे?



प्रभु, का हमरे लड़ाइ करोब?



नहीं!



यीशु अपने के उमन ले धरुवालक. उकर
चेलामन चाइरो बटे भागलंय.

यीशु के यहूदी अगवामन कर मुखिया महा-पुरोहित ठिन लेई गेलंय. पतरस आउर जोहन तनिक फरके से यीशु कर पाछे पाछे गेलंय.



पतरस आंगना में गेलक.



का तोय उकर संगे नी रहीस?



नहीं! मोय उके नी जानोन.

तोय हों ओहे आबदिन में से एक झन नी हेकीस?



सचमुच नहीं!

सच्चे! तोय हो हुवा रहिस! तोय एगो गलीली हेकीस!



मोय नी जानोन तोय का कहाथीस.



यीशु के रोमी हाकिम पिलातुस ठिन लानलंय. यहूदी अगवामन देखेक आवाल आबदिनमन के बहकलंय. उमन साउब किसिम कर दोष लगलंय.



इ साउब दोष कर बारे मे तोय का कहिस? कोनो नहीं?



तोय का कइरहीस?

मोय सच्चाई कर गवाही देवेक अयहो.



सच्चाई का हेके?



मोय इ आबदिम मे कोनो दोष नी पालो. इ फसह कर परब हेके. मोय केके छोड़बु, बरअब्बा कि यहूदीमन कर राजा के?





बरअब्बा!

बरअब्बा!



लेकिन इ यीशु के मोय का करबु, तोहरे का चाहाल?

उके क्रूस में चढ़ावा!

उ लगेला कि उ राजा हेके!

अगर तोय उके छोड़ देबे तो तोय कैसर कर संगी नी होबे.



उकर बदली मे तोय छुइट के जायक सकिस.

बरअब्बा के आजाद कइर देलक. उ राजनैतिक मोरन कर दोषी पावाल गेलाक.



३७,३८,३९!



मोय ई आबदिन कर लहू कर गुन्हागर नी होबु.



हे यहूदीमन कर राजा, जोहार!



देखा! उ आबदिन!

उके क्रूस में चढ़ावा!


उके क्रूस में चढ़ावा!

उके क्रूस में चढ़ावा!



पिलातुस उके मानलाक. क्रूस में चढ़ायक एगो डारडरवा मोरन रहे.



यीशु उ क्रूस के अनइत दुःख से यरुशलेम कर डहर मे उठाय के लेई गेलाक.



क्रूस मे टांगेक ठांव शहर से बाहरे रहे. इके गुलगुथा कहैना, माने खोपड़ी कर ठांव.



यीशु के सिपाहीमन क्रूस में चढ़ालंय!





तीन गो भाषा मे लिखल एगो दोष पतर क्रूस उपरे टांगल रहे जे कहेला: "यीशु, यहूदीमन कर राजा."



यीशु दुःख मिटाइक वाला पीयैक के मना करलक.



सिपाहीमन उकर लुगा लगिन चिठि बांडट लैलंय.



हां, का उ दोसरमन के नी बचालक?



अगर तोय ईश्वर कर बेटा हेकीस होले क्रूस से नीचे आवा।

अपने के बचावोक आउर हमरे के हों बचाव!

ईश्वर कर डर मान. हमरे के हमर गलती कर सजा मिललक. लेकिन इ आबदिन तो कोनो गलती नी कइरहे.



तोय अपन राईज मे आबे होले मोके ईयाइद करबे!



मोय तोर से सच्चे कहाथों, कि आइज हे तोय मोर संगे सरग लोक में होबे.

आउर उलटी पहर से तीसरा
पहर तलुक, समूचा राइज में
अन्धार होई रहे।



यीशु कर माय मरियम आउर उकर चेला
जोहान क्रूस कर भिरे खड़ाय रहयें

एखन तोहरेमन माय
आउर बेटा हेका.



हे मोर ईश्वर! हे मोर ईश्वर!
तोय मोके काले छोड़ देले?

मोय पेयासल आहों.



बाप, मोय अपन आतमा
तोर हांथ में सोंइप देवाथों.



पूरा होलक.

यीशु कर मोरन उलटी पहर तीन बजे होलक. एगो सिपाही
यीशु कर पंजरा के जोबलक आउर उकर में से तुरथे लहू
आउर पानी निकललक.



किताब में एसन लिखाल अहे "उके
मोरायक लेगेक भेड़ा कर जैसन
लेगाल गेलाक."



"हमर पाप कर लगिन उके
जोबलयं आउर पिटलयं"
लेकिन एखन
उकर मोरन होलक.




का आवेक वाला मसीह
ओहे रहे कि नहीं?



अरिमतिया कर रहेक वाला यूसुफ आउर नीकुदेमुस यीशु कर
लोथ के मांडूग लेलया. उमन उ लोथ में महकेक तेल कर संग
कफन में लेपेटलक आउर एगो कबर में राखलक आउर एगो
बड़का ढोंगा से बंद करलक.



आवा, हमरे उके तोपेक
सकोब कि, पुछोब.




सथायक दिन कर पाछे, जे फसह परब के एगो भाग हेके, काइइन दुःखी आउराइतमन बंद करल कबर के देखेक आलय।



ढोंगा तो घुड़रयक हे!

तोहरे जीयत के मोरल मन में काले खोजाथा? उ जी उठलक. जायके उकर चेलासन के बतावा!



इ सुनेक पाछे पतरस आउर जोहन कबर बटे कुइद के गेलय.



का होलक?


इ पूरा खाली अहे.





ओहे दिन उकर दुईइन दुःखी चेलामन
यीशु कर बारे अपन संगे अवल एगो
आबदिन से बतियाते जात रहंय...

का तोहरेमन आगमबक्तामन उपरे बिश्वास नी कराल? का ई दरकार नी रहे कि मसीह
ई दुःख उठाय के अपन महिमा में ढुकी ? इ साउब बातमन किताब मे लिखाल अहे.



अचाका भोज करेक
कर बीच में के अलाक...

लेकिन उ तो यीशु हे रहे!



उमन तुरथे यीशु कर दोसर
चेलामन के खोजेक गेलंय!

हमरे प्रभु के देखली!

मरियम आउर पतरस हों देखलंय!



अचाका... तोहरे के शान्ति मिलोक!



का तोहरे के बिश्वास नाखे कि
मोय हेको? मोर हांथ आउर
मोर गोड़ के देखा.



मोर प्रभु, आउर
मोर ईश्वर!

उकर पाछे ४० दिन तलुक
यीशु अपन चेलामन के
दिसतर देलाक. उ एकबेर
५०० इन के हो दिसतर
देलाक. एक दिन कइइन
चेलामन गलील कर समुनदर
मे मछरी मरोत रहंय...


का तोहरे ठिन कोनो खायक ले अहे?

नहीं. हमरे कोनो हो नी धइरही!





पतरस का सच्चे तोय मोके प्रेम करीस?




यीशु पतरस के तीन बेर इ सवाल पुछलक.



हां प्रभु तोय जानीस कि मोय तोर से प्रेम करोन.

मोर भेंड़ामनके चराव.




मोर पाछे होई ले।

सरग आउर धरती कर पूरा अधिकार मोके देवल जायहे। संसार में जावा आउर सउब जाइत कर आबदिनमन के चेला बनावा. उमनके बाप, बेटा आउर पबितर आतमा कर नाम से बपतिस्मा देवा आउर मोय तोहरेमन के जे, जे, हुकूम देई हों, उ सउब के मानेक ले उमनके सिखावा.



याइद करा! मोय संसार कर आखरी तलुक रोज दिन तोहरेमन कर संगे आहों।



इ बातमन कहेक कर पछे यीशु धरती छोड़ देवल आउर उ सरग में गेलक. लेकिन उ इ हो कहलक कि उ साउब आबदिनमन कर बिचार करेक ले घुइर आवी.

उकर चेलामन यरुशलेम मे प्रार्थना करते पठरालंय. पबितर आतमा माने ईश्वर कर आतमा से उमन के भइर देलक. जे आतमा यीशु मे रहे, ओहे आतमा एखन उमन में हों रही. उ उमन के नवां आबदिन बनेक ले सामर्थ देवी, जे सामर्थ से यीशु कर बारे मे गवाही देबंय.

जिनगी जुग कर जीवन पाय हे। आउर उ दोषी नी ठहरी उ तो मोरन यीशु के धाइर रखेक नी सकलक. ईश्वर उके आवरे जीवन में लानलक आउर उके प्रभु बनालक, ओहे मसीहा.



यीशु कर चेलामन के आनइत बिरोध साहेक पड़लक.

यीशु ईश्वर कर बेटा हेके!



इ खबइर पतर से हों प्रचार करल गेलक.

जेखन उ क्रूस मे मोरलक, उ हमरे कर पाप के अपन शरीर मे उठालक. इलगिन हमरे पाप कर लगिन मोइर चुइकही, आउर एखन से हमरे ईश्वर कर ईच्छा से जीयक चाही .



एखन साउब संसार भइर यीशु कर चेलामन प्रार्थना करेक आउर बाइबल पढ़ेक ले एकसंगे जमा होवेना. उमन यीशु कर मोरन याइद में रोटी टूटायना आउर कटरा से पियेना. उमन कर मन में होवाल प्रेम उमन अपन आसपास कर आबदिनमन से करेक हें ईश्वर कर ईच्छा हेके.

यीशु आबदिनमन ले ईश्वर
कर योजना के पुरा करलक.



यीशु हमरे के प्रेम करेल. धन्यबाद
देवा आउर उकर आराधना करा!



ईश्वर संसार से एसेन प्रेम करलक, कि उ अपन एके गोटा
बेटा के देई देलक. जे केहो उकर में बिश्वास करी, उ नाश
नी होवी, लेकिन उ जिनगी जुग कर जीवन पावी.

WILLEM DE VINK

बाइबल

यीशु कर कहानी बाइबल में लिखाल आहे. बाइबल से बागरा दोसर कोनो हों किताब के नी पढाल जायहे. आनइत किताबमन के मिलायके ई एगो किताब बाइनहे.ई साउब किताबमन के लिखेक में १५०० बच्छर लगलक. १९०० बच्छर आगे बाइबल बनलक.इकर में साउब किसिम कर कहानी आहे कि का नियार ईश्वर आबदिनमन कर जीवन में काम करेला.यीशु कर कहानी से हमरे आच्छा से जानेक सकिल कि ईश्वर के हेके.


यीशु कर इतिहास

बाइबल कर चाइर गो किताब में यीशु कर जीवन कर बारे में बताल जायहे. लेखकमन कर नाम मोताबिक किताबमन कर नाम रखल गेलक. ई लेखकमन यीशु कर परिया कर रहंय.

१, मत्ती: यीशु कर चेला. उ खजना लेवेककर काम करत रहे. उ वर्णन काइर हे कि का नियर यीशु इस्नाएलीमन संगे ब्यवहार करत रहे.

२, मरकूस: यीशु चकरित काममन करलक. जे बेरा यीशु चकरित काममन करलक उ बेरा मरकूस जवान रहे.

३, लूका: ई एगो बैध रहे. उ ब्यक्तिगत रूप से यीशु के नी जनोत रहे. उ वर्णन काइर हे कि का नियर यीशु आबदिनमन कर संगे ब्यवहार करलक.



४, जोहन: ई हों यीशु कर पीछे चलेक वाला रहे. उगो बतालक कि यीशु के हेके. यीशु ईश्वर हेके. उ आबदिन बनलक कि आबदिनमन के पाप से छुटकारा मिलोक.


यीशु के जनम

यीशु कर माय मरियम, जे बेरा यीशु के जनम देलक उ बेरा मरियम शादी नी काइर रहे. उ कुंवारी रहे. ताभियो ईश्वर इकर उपाय करलक कि यीशु कर जनम होक. ई चकरित काम कर बारे में यीशु कर समय से अनाइत पहिले किताब में लिखल जाय रहे. यीशु कोनो हीरो चाहे कोनो खास आबदिन कर जाइसन जनम नी होलक. उ एगो गोहार घर में जनम होलक कालेकि हुंवा दोसर कोनो ठांव नी रहे.

यीशु कर चकरित काम

यीशु अनाइत बगरा चकरित काम करलक. बाइबल में चालीस से हों बगरा चंगाई कर बारे में लिखाल आहे. ई चकरित काममन कर चलते यीशु ईश्वर कर सामर्थ आउर प्रेम के देखायला. उ आबदिनमन के मदाइत करेक चहेल आउर खुशी रखेक खोजेल.





यीशु काले मोरलक? इकर वर्णन बाइबल में देवल जाहे.

सुब आबदिनमन जे गलत बातमन करेना उमन ईश्वर के गोस्सा आउर दुखी करवायना. उके हे पाप कहेना. ई साउब पाप आबदिनमन के ईश्वर कर संगती से दुर करेला. आउर ऐहे लगिन यीशु आलक. यीशु खुद हमर पापमन कर सजा अपन उपरे लेलक. उ मोरन सजा रहे. ई लगिन यीशु मोरलक. एखन हमरे आउरे ईश्वर कर संगे दोस्ती करेक सकिल. लेकिन हमरे के हमर गलतीमन क्षमा मांगेक लागी.

यीशु मरन में से जी उठलक. ईश्वर उके जिन्दा करलक. ई नियर ईश्वर देखालक कि उ मरन से हों शक्तिशाली आहे.

यीशु एखन ईश्वर कर संगे रहेला. ई लगिन उ हमर संगी बनेक सकेला. ईश्वर के खुशी होवी कि जे बेरा ई नियर कर जीवन जियेक लगिन उ हमर मदाइत करी.

प्रार्थना

अगर तोहरे गलत बातमन कर क्षमा मांगेक आउर ईश्वर से दोस्ती बनायक चहाल तो तोहरे ई प्रार्थना करेक सकाल. प्रेमी ईश्वर, तोय मोर से प्रेम करिसला. तोय यीशु के देले तोर एकलौटा बेटा जे क्रुस उपरे मोइर गेलक. जे गलत बातमन मोय काइहों दया काइर के उ साउब पापमन कर क्षमा मोके दे. यीशु मोर संगे आहे ई लगिन तोके धन्यबाद. का तोय तोर इच्छा से मोके जिवन जियेक लगिन मदाइत करबे? तोय जे बचन देविसला उके तोय पुरा करिसला. मोर प्रार्थना कर जबाब देवेक कर लगिन धन्यबाद.

आमीन....

यीशु आउर तोहरे

यीशु कर कहानी कर एगो आच्छा अन्त आहै. यीशु अनाइत महान आबदिनमन कर दोस्त बनलक. एखन आउर उ बेरा हों दुनिया बदाइल जाय रहे. अनाइत आबदिनमन एखन गधामन से चाहे घोडामन से यात्रा नी करेना, उमन कार चाहे हवाईझाज से यात्रा करेना. लेकिन यीशु उपरे इकर कोनो हों प्रभाव नी पाइल. जाईसन उ इस्राएल में रहे, ओसने हे एखन हों हमर संगे आहै. उ नी दिसेला ताभियो ओहै एकला सच्चा आहै. उ तोहरे के दोस्त बनायक चाहेला. तोहरे उके सुनेक सकल. का तोहरे के यीशु कर संगे जीवन आउर उकर बारे में बागरा जानकारी लागी?

का तोहरे के यीशु कर संगे जीवन आउर उकर बारे में बागरा जानकारी लागी? तो तोहरे निचे देवल बातमन के करा.-

१) तोहरे खुद बाइबल पढ़ा (लुका में लिखाल भाग के पढ़ा)

२) प्रार्थना करेक (ईश्वर कर संगे बतियायक आउर उकर सुनेक, तोहरे के कोनो खास शब्द के बोलेक कर जरूरत नाइखे.)

३) बाइबल कर बारे में आउर यीशु कर दोसरा मन संगे बातचीत करेक. यीशु चाहेला कि उकर पीछे चलेक वालामन एक दोसर से मिलके उके खुशी करोक.



Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,
Published in Dutch as " Jesus Messias". Edition in Sadri 2020 :

ISBN : - 978-90-73150-46-1

Digital copyright under the terms of the Creative commons BY-SA licence.
All right of translation, reproduction and adaptation reserved for all countries. Worldwide co-edition organized and produced by: Wyclie Netherlands,

E-mail : jmpbnortheasts@gmail.com

यीशु मसीह

ई यीशु मसीह कर एगो सच्चा कहानी हेके. उ २००० बच्छर आगे इस्राएल में रहे. जे केहो उकर से मिलोत रहंय उमन अचरज में पाइड़ जात रहंय. जे कोनो उ करलक उके केहो करेक नी सकलंय. जे बातमन के उ बतालक उके केहो नी बतालंय. जहां यीशु रहत रहे हुंवा चकरित काममन होवत रहे. जे केहो उकर सुनोत रहंय उमन आनन्द आउर खुशी से भाइर जात रहंय. तले अचाका इकर अन्त होई गेलक. उकर बिरोधीमन उके सजा देवेना, लेकिन उ अन्त नी रहे. आगे का होलक उके तोहरे खुद पढ़ा आउर देखा कि काइसन यीशु कर कहानी आगे बढ़ते जायला.



Language - Sadri

ISBN : 978-90-73150-46-1